



22115

kat komp

III

Mag. St. Dr. P

Hyacinthus

Picarianowski Namol. Jos. Parnassus sacer  
mons Koniusa ad festa Hyacinthina

PANEG. et VITAE

Polon. Pol.

Nr. 1472.



PARNASSUS  
SACER  
MONS KONIVSZA,  
ad festa Hyacinthina,

*Perillustris olim, & Admodum Reuerendi Domini,*

D. HYACINTHI  
THOMASZEWIC,

I. Vq; DOCTORIS, PROTONOTARII APOSTOLICI,  
Ecclesiæ Collegiæ SS. Omnium  
ARCHIDIACONI,  
& S. Michaelis in Arce Crac: Custodis,  
CURATI KONIUSZENSIS,  
iustis Musarum Gratiis,

*A*

M. STANISLAO IOSEPHO BIEZANOWSKI, Leopol:  
*in Alma Vniuersitate Crac:*  
*Philosophiæ Doctore, Collegæ Minore, Ordin: Pœseos Professore,*

CORONATVS;  
Nunc vero, posthumo parentali obsequio,  
ad perennem tanti Viri memoriam,  
LUCE PUBLICA

DONATVS.

*Anno Domini 1683.*

CRACOVIAE, Typis Vniuersitatis.

Biblioteka Jagiellńska



stdr0002795

4. 2215  
III



# GEMITVS CORDIS AMICI, Iambis dolentibus renouatus.

**F**astigiato dum Koniuszæ vertice,  
Nubes fatigat, Satrapasque montium  
Vincens in alto, fronte vasta despicit,  
Proditque lucis in theatrum publicæ;  
Vulnus profundum, rursus irritat nouo  
Mucrone cordis; innouatque flebilem  
Rursus Scatebram; dum viscerum dissilit  
Compago, rupta palpitantibus fibris.  
Eheu Koniuszæ nomen olim gemmeum,  
Nunc meror ingens! quàm lancinas pectora!  
Quàm sauis intus! grande per dispendium  
Gemmæ Virorum. Consus ille Iurium,  
Hyacinthus ille, Delphico maior tripos,  
Themisque tota, nixque tota mentium,  
Et innocentis dulcor ille gratiæ,  
Quàm raptus eheu! iam Koniuszæ sustulit  
Horas beatas, & aurei seculi  
Dites fodinas! culmen o cultissimum!  
Musæa nobis, Castalimque musteam,  
Eheu in vno quàm tulisti pectore!  
Sed vixit in quo, pectus, & cor omnium.  
Animæ bonæ, gratæ Deo, dignæ polo,  
O quàm negatis longius nos perfrui  
Dulcore Vestro! quàm breues sunt Gratiæ,  
Gustusq; vestri! nempè cælum gemmulas  
Hominum rapit. caram medullitus prout,  
Euisceratis gemmulam præcordiis,  
Hyacintheam tulit; Viri sed gloriam  
Non tollet vnquam. Vos Amici nobilem  
Seruate gemmam, cordis inter candidi  
Imos recessus; & aureis literis,  
Suprà pyropos, & berillos mentium,  
Signatè verba hæc, vt Koniuszæ montium,  
Triumphat inter laureatos vertices;  
Augusta Iuris sic super fastigia,  
Stabit perenni non mouenda cardine,  
Tuæ Columna THOMASZEVI gloriæ.



*Perillustribus, & Admodum Reuerendis Dominis,*

**D. PETRO STANISLAO  
ORŁOWSKI,**

PROTONOTARIO APOSTOLICO,

Præposito, & Officiali perpetuo

**TARNOWIENSI,**

Scholastico Kielcensi, Curato Morauicensi,

**S. R. M. SECRETARIO;**



**IACOBO ZELAZOWSKI,**

IVRIS V. DOCTORI, SCHOLASTICO TARNOWIENSI,

Canonico Bobouienfi,

Vltimæ voluntatis piè defuncti

**E X E C V T O R I B V S,**

Dominis, & Patronis fauentissimis,

**AUTHOR S. & P.**



*Enit iterum ad vos, qui nunquam cordibus vestris e-  
ximi poterit, etiam post umbras Sepulchrales, in mon-  
tium fastigiis coruscans, dilectus vobis Hyacinthus.  
Perillustres, & Admodum Reuerendi Domi-  
ni. Abscondere illum cortina mortis, & eripere Orbi  
voluit; sed ecce Sarcophago cinerum suorum euolu-  
tus, sublimior exit; posthū a nominis sui claritudine,  
usq; ad montana immortalis gloriæ assurgens. Spectatissima nimirum vir-  
tus, & sapientia tanti Viri, ceu radius solis in crystallo, in totius vitæ in-  
nocenti speculo, si emicuit; quidni speculam quoq; Koniuszensem, vitæ suæ  
proba-*



probatissima testem, a morte habeat? ut in ea, seculis omnibus appareat  
 tam clarus, quam vixerat illibatus. Nam si Atlantis, & Olympi montium  
 vertices, Sidera tangere creduntur; quod eminentissima nubibus capita in-  
 ferant; Hyacinthi nostri mens illa, Deo ob eximiam pietatem; caelestibus  
 Intelligentiis, ob praeclaram eruditionem coniuncta, & vicina; an non Ko-  
 niuſense quoque fastigium, eminentissimo siderum Capitolio propè intulerat?  
 cum in eo assurrexisset, tantus integerrima vita, & excellentis doctrina, &  
 Atlas, & Olympus. Egit ille, pro montis huius gloria, pro Decore Domus  
 Domini, pro Ecclesiastica in eo dignitate, & pro Amplissimi Collegii Iuridici  
 conseruandis Iuribus; egit inquam & sapienter, & zelose; ut non in Mau-  
 soleum cederet illi, sed in trophaeum; exempla vitae Praelato digna, curis  
 & vigilis Pastoralibus, ac pretiosis virtutum HYACINTHIS corona-  
 tum: quale & nunc quoque, Perillustres & Adm Rndi Domini SA-  
 MVELIS FORMANKOWICZ, Iuris Utriusque Doctoris, & Professo-  
 ris, Ecclesiae Collegiatae SS. Omnium Custodis, viri praestantissimi, cura in  
 eo, & Pastoralis dignitas meretur. Nec vero, sublime hoc clarissimi nomi-  
 nis fastigium, cum in lucem publicam prodit; absque Vestra claritudine, Per-  
 illustres, & Admodum Reuerendi Domini, & amantissimi cordis  
 signaculo, in Orbis facie visendum se exhibet; quorum id amica dilectio,  
 & dulcis tanti Viri recordatio fecit; ut quemadmodum ad animae suffra-  
 gia, Diuinas pro eo, Incruenti Sacrificii, Ara victimas habent; ita virtutis,  
 & intaminati nominis eius splendor, in hoc Monte, quem sine labe incoluit,  
 sine velamine quoque elucescat. Amor hic vester, & posthuma pietas, reue-  
 lat animorum vestrorum sinus amantissimos, & conuincit; quod Diuino  
 plane instinctu, vos potissimum elegerit; quorum optima erga se voluntati,  
 vltimum Vale, & velle suum concederet. illa plena, & suauissima de vo-  
 bis fiducia; quam coram optimè de se merito, & vnice ob animi dotes egre-  
 gias dilecto, Adm Rndo CASIMIRO WOLFOWICZ, Philosophiae  
 Doctore, Praeposito S. ROCHI, animo, & sensu viuacissimo effuderat.  
 Montem igitur mira origine, singulari deuotione, & patrimonio Christi,  
 rebus Ecclesiasticis sacrum: Montem tot Clarissimorum ex Vniuersitate  
 Cracouiensi Iureconsultorum, Pastoralis dignitate, & non interrupta serie  
 celebrem: montem denique, Summorum nonnisi Virorum praeclaris nominibus,  
 ceu gemmis hyacinthinis dignum; & a me iustis Musarum Gratus coro-  
 natum; sub vestro, Perillustres, & Admodum Reuerendi Domini,  
 virtutis, & gloria coronamento, luci publicae consigno: & pro humanissima  
 gratia affectu; quem in Vobis, pro HYACINTHO meo experior, votis ca-  
 lum fatigo; ut longaeus in Ecclesia Dei honos Vester, maiori in dies me-  
 ritorum claritudine auctus semineat tandem perennibus, caelesti gratia, &  
 gloria in Montanis.

PAR-

# A C R O A M A D E D I C A T O R I V M, pie defuncto Consecratum.

Ecce mons plenus equorum.

Reg: 4. Cap: 6.

**V**estigales honori, & monti tuo,  
 cum hac Prophetica panegyri,  
 veniunt ad Te,

GRATIAE, & CORONAE,

oraculo vatum dignissime, coronati nominis

**H Y A C I N T H E.**

Rem, non ænigma loquitur, Vates hic;  
 qui ceu montem tuum, in Spiritu vidisset;  
 arcanum eius, intra sensuum mysticorum cortinam,  
 tot retrò seculis habendum,  
 mira emphasi prophetiae dixit.

Vox ne ista? an digitus Dei?  
 montem tuum tam probè indigitans?

Certe

si oraculorum de eo medullam posceres;  
 nihil tam emedullatum, nihil ad nucleum magis;

quam propheticum hoc,

Ecce mons plenus equorum.

Reuelatum id Eliseo contra Syros,

equites caelo, & currus igneos,

ad sublimia montium eduxit.

Non ira mons Tuus, sed gratia,  
 mitioribus auspiciis, cali suffragia meruit;  
 in eo sonipede;

qui dum Pryslao suo non fremit, sed adhinnit;  
 stillare montes dulcedine pacis, & gratia,

A

etiam



etiam apud Sarmatas ostendit.  
 Quis cogitasset?  
*plenitudinem equorum, in victimas ituram pacificas?*  
 posseque Deo Sacrari montes,  
 etiam in armentis.  
 Certè Domino Exercituum,  
*nihil ab Equite Polono, dicari potuit congruentius;*  
 quam KONIVSZA,  
*felicitate Sreniauii militis maxima;*  
*quod equestri militia fortissima gentis,*  
 benedixerit Dominus,  
 in monte Sancto eius;  
 in quo,  
 ut non bella, sed pacem cogites;  
 Equitibus Polonis contra barbaros,  
 Principum Apostolorum  
**CLAVIS, & GLADIUS**  
 satis.  
*Si in curribus, & equis, fiducia gentium;*  
 in monte hoc,  
 plures nobiscum, quàm cum illis;  
 nimirum  
 in Piscatore, & Doctore gentium,  
 totus Ecclesiæ triumphus.  
 Oraculum ergò de monte tuo,  
*quod Sacer videntis Propheta enthusiasmus protulit;*  
 à non vidente Poëta tuo,  
 in Acroama honoris accipe;  
 & ex iustitiæ tripode,  
*cuius tantus Mystes, & Flamen es,*  
*pro Gratiarum, quam Tibi necto, corona*  
 decerne;  
 non solos fontes, ut olim, iustè coronari;  
 sed & montes;

quorum

quorum summitas, beneficentiæ gloria est.  
 Hanc ego tibi debeo,  
 in monte hoc;  
*in quo, Dominus videbit, quantum pro me egeris;*  
*quàm suaviter equitauerim, dum me gratia tua portat;*  
*pro qua, bonas tibi, Cælum reddidit vices;*  
*ut dum, astus plagæ Domini, viciniam corripit;*  
*mons tuus non fumigaret.*  
 Hic inter sacras Oreades tuas,  
 seruata Musæ,  
 carmen tibi ferunt non urbanum;  
 sed quale mea inter myricas, & arbuta didicit  
 tenuis arundo.  
 Tu præstantium virorum  
 selectissima portio,  
 villanas tuas posce, & patere;  
*& si rudi paratu, Te dignæ Castalides non sunt;*  
*saltem beneficiorum memores,*  
 montanas Charites esse iube.  
 Sacras tamen, & Tibi selectas,  
*quales omnino, cum censu literati otii poscebat,*  
 Parnassus hic  
 & facer, & sapiens.  
*in quem haud frustra, ex angusta sapientia Craci,*  
*Doctorem Senaculum, & Iuris Sacrarium venit.*  
 Nempe ut olim Sacrum,  
 non poterat vulgus ascendere in montem;  
 ita & hic, non eminet in summo,  
 nisi mentium apex;  
 ubi sapientia ædificauit sibi Domum,  
 & excidit columnas septem;  
*omnes nimirum ex lapidibus Academia pretiosis;*  
 sex in summis viris,  
**GORCZYNIO, NAYMAN, GORSCIO,**  
**KARYNSCIO, ROZYCIO, OSEDOVIO;**  
 A 2 Septi-



Septimam in Te

ex

HYACINTHO.

*An vero mons hic, Gratiarum Coronas non meruit?  
qui dices mentium gazas, & coronarum monilia,  
in iis sapientia, & Iuris Antistitibus dedit;  
quorum tu vestigia secutus,  
etiam coronas, & sublimia meruisti;  
super hoc fastigio;*

*in quo si gloriam nominis tui, Pegasus meum feceris;  
tunc ego,*

*sublimi feriam vertice sydera;  
canamq;, necdum terras Astræa reliquit;  
qua viciniûs Cælo Capitolium tuum elegit;  
ut in eo oraculorum suorum conderet  
Areopagum, & Senatum.*

*Hæc Tibi Mœonides tuus,  
illo affectu;*

*quo te Nestora suum esse cupit,  
altoque Cælum gemitu fatigat;*

*ut Te*

*diu Ecclesia sua, diu Sacra Themidi, diu amicis,  
fidelis, & verax, equo albo inuectus;  
qualem virgine oculo, Ioannes Charis Apocalypica vidit,  
habens in femore suo, & in vestimento scriptum,*

REX REGVM,

&

DOMINVS DOMINANTIVM

seruet,

*in monte isto;*

*cuius hæc peculiaris gloria est;*

*quodcum ceteri, lapidum metalla ferant;*

*hominum iste*

GEMMAS,

nimirum

HYACINTHOS.

PAR-

PARNASSVS

SACER

MONS KONIVSZA.

**A**Mplius hâud potuit, it sto suffusa rubore,  
Vietaque tot meritis, & amici conscia nexus,  
Ingratam tenuisse chelym Parnassia Clio;  
Ne totis riguisse fibris, aut ænea cordis  
Claustra putaretur Siculo durasse metallo,  
Tot contra stimulos, & largæ munera dextræ.  
In me prona diu, iam tandem gratia vincat;  
Et toties habitatus apex, me nôrit amicos  
Incoluisse lares; sed non sine carmine dulci;  
Nec sine Musarum roseis, quas fundo coronis.  
Tu mihi cantandus, grati modulamine plectri  
Mons dilecte venis; quo non mihi gratius vllum  
Ex animo surrexit opus; seu tristia rerum,  
Sêu lætas meminisse vices iuuat; vndique tecum  
Tollor ad vndantes mirâ dulcedine curas.  
Tu mihi Parnasso potior, tu colle bicorni,  
Et Clarus Phœbi laribus Diuinior extas;  
Non genio Vatum, quos numinis impete sacro  
Vis arcana ciet; sed vi dicendus amoris,  
Et totâ saliente cheli, quam spiritus ille  
Entheat in plausus hilares, & carmen amicum;  
Quo mea præ cunctis animauit barbita pridem,  
Monte KONIVSZENSI, nimum dilectus Apollo.  
Nubibus æthereis vicinos tollere montes,  
Principe visendosque loco, velut orbis in auge,  
Inque coronata terrarum sede locare  
Naturæ placuit; quæ certis omnia librans,  
Dispensansque modis; decreuit in Ordine rerum,

*Laus Montium.*

B

Plana



Plana super, collesque super, iuga montibus altis,  
 Et caput augustum. nec enim Campana per arua  
 Expansosque sinus; nec per viridantia late  
 Æquora camporum, segetumque per aurea Tempe,  
 Vbere foeta penu naturæ gratia, totas  
 Fudit opes; aut illa sui decus omne theatri  
 In plano posuit, clausitque patentibus agris,  
 Vertice terrarum despecto. scilicet illi  
 Cura minor rerum, quas in sublimia tolli,  
 Et tantæ molis voluit succrescere tractu,  
 Vasti non modicam partem qui redderet Orbis.  
 Quin potius montana Diis electa, situque  
 Plus visenda suo; compagis in ardua tantæ  
 Ut creuere magis; sic non postrema tulere  
 Munera naturæ; serie quæ nouit in omni  
 Alternas seruare vices, supplereq; dotes  
 Dotibus alternis; ut gratia seruet vtrinque,  
 Maior inexhaustas prodatque opulenta gazas.  
 Si fecundus ager, delectat messe beata;  
 Herbida si tellus, pratis vernantia late,  
 Et vitreis profert circumflua germina lymphis:  
 Spirat odoratum si florida gratia nectar,  
 Inter delicias hortorum. denique syluas  
 Frondosi decoris, species si grata coronat;  
 Quis neget? hæc etiam præcellas gloria montes.  
 Naturæ dono, quod per fastigia rerum  
 Ambiat in summo. saxosis rupibus illi  
 Non toti, passimque rigent. nec vertice caluo  
 Ostentant infame caput, macieque perenni  
 Exesos apices, nudataque brachia tollunt.  
 Flaua Ceres lætam segetem, foetasque manipulis  
 Non inuidit eis messes. nec Flora venustos  
 Alcinoi flores. nec fontibus inclyta Nais  
 Vndarum scatebras. nec eis Latonia Phœbe

Dodo

Dodonam nemorum, Satyros, Dryadasque negauit.  
 Phœnices inter, Lybani quæ gloria montis?

Carmelique decor quantus? qui germinat altis  
 Culminibus, segetumque ferax, herbisque virescens,  
 Frugiferis non cedit agris. quàm pulcher Olympi  
 Æmathiis vertex, qui tendit ad æthera campis:  
 Æthnaque per Siculas quamuis notissima flammæ,  
 Purpureos flores carpentem virgine dexttâ  
 Quam tenuit Cereris sobolem, Plutonia tandem  
 Ut fieret Coniux; an non & dulcia Tempe  
 Thessalicis celebrata iugis, ad nomen amœnum  
 Tot seclis montana vocant? sed cultus in illis  
 Fertilitasque licet non æquet plana; nec omne  
 Alta ferant germen terrarum. viscera certè  
 Ditibus hoc suppleant intus pretiosa fodinis,  
 Auriferumque penu, multo venæque metallo.  
 Et gemmis faciles, & copia marmoris ingens,  
 Cæsaque Caucasæis solidissima robora saxi;  
 Ut populos, vrbesque regant munimine vasto,  
 Et per inaccessos aditus tutentur ab hoste,  
 Vicinasque suo discernant limite gentes.  
 Alpibus id natura dedit, quæis Gallia debet,  
 Finitimos latè populos, quod mole stupenda  
 Arceat; hostilesque vias, ensesque moretur  
 Rupibus obiectis. sic & telluris Iberæ  
 Occiduos fasces, & Gadibus inclyta regna,  
 Pyrenæus apex defendit. nec tibi pugnax  
 Lechia, Pannonicas qui tecum Carpatas oras  
 Diuisit, minor est; sed culmen nubibus æquat,  
 Vndarum, nemorumque parens; ad Dacas, & Istrum  
 Cyclopæa velut terrarum brachia pandens  
 Immenso tractu. nec totus vertice summo,  
 Sarmaticas hyemes, ventis glacialibus vrget,  
 Æternis riget niuib; sed floret amœno  
 Interdum culta, medicas & germinat herbas;

B2

Alta

Montes flori-  
di, & frugum  
copia felices.

Montes pretii-  
osi metalli ve-  
narum feraces.

Montes in limi-  
tes gentium  
dati.

Montium Car-  
pati laus.



Alta metalliferis concludens viscera gazis;  
 Cura laborantium quò non penetrauit auara,  
 Nec longæ venere manus. nam Sarmata curis  
 Armorum potior semper, glebæque feracis  
 Securus, terrena cauis rupisse fodinis  
 Hàud tantum sitiit; dum se victricibus armis,  
 Nunc Ponti gelidis, nunc Volgæ finibus infert;  
 Carpatios superansque apices, vicina coronæ  
 Pannonicæ dum regna tenet, trabeamque Polonam.  
 Non ego iam Calpen, non Hellados Acrocorinthus,  
 Non Idamque canam; nec carmine surget anhelò,  
 Maurus Atlas, Tmolusque Cilix, Taurulq; Scytharum  
 Grande supercilium. quod enim fastigia tanta  
 Æquet opus numeris paribus? quis rite loquatur  
 Ardua tot? quorum situs & vicinus Olympo,  
 Culmen habet sacrum: veteri nam quæ iuga ritu,  
 Non celsere Diis? cum non vulgaria terræ  
 Arcanum coleret Numen; turbulque remotum  
 Posceret ex alto, Sacri vestigal honoris.  
 Monte Palatino Diuum suprema potestas,  
 Et Capitolino Romanæ Iupiter arcis,  
 Imperium regale throno, delubraque toto  
 Orbe tulit veneranda, Merops quem pronus adorat.  
 Mercurium Cyllenus amat, Dianaque Cynthus,  
 Magna Deum Cybele Berecynthia culmina Mater,  
 Idaliuq; Venus, Rhodopen Mars, Iuno Lacinum,  
 Aona cum Musis Phœbus, Pallasque Aracynthus,  
 Vulcanus Lyparam, Surrentinumque Lyæus;  
 Massica cui cyathos dulces, & Cæcuba vitis  
 Montibus electis tulerat; nec mustea vina  
 Proueniunt alibi melius; quam sole sub ipso  
 Collibus expansis, & sudo montis aprici.  
 Sed mihi Parnassus, Musarum gloria, dulces  
 Iam salit ad chordas; non qui se Phocidos altæ

Montes, apud  
 antiquos, Diis  
 potissimum  
 sacri.

Nomi-

Nominibus iactat priscis, & laude Pelasga;  
 Monte Koniuszenfi, sed quem sibi Lechica mecum  
 Castalis elegit. quid Graium mole vetusta  
 Obruimur toti, semperque per inuia Cijrrhæ,  
 Vulgatosque lares, & trita mapalia Pindi  
 Arcades, exoricaque animæ & semper Achiui  
 Versamur? totiesque Rhodum, totiesq; Corinthum,  
 Et nunquam patriam sapimus. pulcherrima rerum  
 Hæu neglecta domi, cur tandem vindice famâ,  
 Tristibus ex umbris non tollimus? antra Deorum  
 Visere delectat. volupè est Titania pubes  
 Nòsse, quot in Cælum iaculata est montibus; & quot  
 Ictibus ossa Iouem, vel Martis fulmina torfit;  
 Aut Erimanthæo quoties in culmine cæsus  
 Alcides tentauit aper; pernicibus alis  
 Pegalus ad fontem, vel quot confecerit vlnas:  
 Cum potiora domi sileant, raroque suorum  
 Inueniant memores animos. Parnassius el m  
 Quam celebris vertex, meruit testudine Vatum,  
 Immortale decus, pretium, nomenque perenne.  
 Tune Koniusza meo, iustas in carmine laudes,  
 Et Patrios cultus necdum meruisse videris?  
 Tune fines de Te, tam conscia plectra silere?  
 Cum tu sis Helicon dulcis mihi, tuque Aganippe  
 Digna cani. certè si quid Permessidos vndæ  
 Casta fluenta valent; nò totum depluat in Te;  
 Nec me Phœbus amet, nec Thespia barbita nòrint.  
 Si regio, si terra ferax; si gratia clari  
 Conditioque loci; si res mirabilis ortu,  
 Successuque suo felix; semperque deinceps  
 Vsis apta sacris, cælestibus inclyta donis,  
 Præcipui nomen, censumque meretur honoris;  
 Hæc dilecte tibi mons, & Parnasse Koniusza,  
 Cuncta fauent, celebrique loco tua nomina ponunt.

Monti Konia  
 se Laus.

C

Nempe



Ab Vrbe Crac:  
tribus leucis  
distat.

Situs Koniu-  
se, & in lon-  
gissima pro-  
spectus.

Oppidum Pro-  
sowie Comi-  
tis Nobilium  
celebre.

Nempe coronata non multum distat ab Vrbe,  
Montanum decus hoc; quo tu sublimia tollis  
Colla super campos, & cis cultissima Regni  
Viscera, deliciasque aruorum. Cracidos altæ  
Hic vbi Sceptrorum, maiestatisque Polonæ  
Augustus dominatur apex; secundaque spectat  
Æquora Proszouii tractus; tu Sede beata,  
Et Cereris gaudes folio. quod pendula saxi  
Non vrget prærupta minacibus; aut malefido  
Lubrica præcipitat descensu. lenis ab imo,  
Decliuisque tibi sensim procedit in altum,  
Assurgitque situs; donec fastigia summa  
Attingat, visuque oculos delectet amœno.  
Hic iam mille viis obtutus, mille modisque  
Lumina tota rapit. nam quò se Bosphorus infert  
Eoo super axe poli, lætissima Tempe  
Cernuntur; pratique virens, agrisque redundans  
Vberibus tellus; qualem Sreniauius amnis  
Littore frugifero, lætisque meatibus ambit;  
Tot vitreas ripis vernantibus vndique sedes  
Nympharum statuens, & per tot culta refusus.  
Montis vbi non longe etiam a radicibus ipsis,  
Libertatis honos, sedem sibi fixit amicam,  
Proszouiis laribus; magnique Senacula Consi  
Delubro posuit sacro. vox libera gentis  
Hic regnat; leges patrias, & publica rerum  
Hic momenta librat. quod dum quoque tēpora poscunt,  
Monte Koniusza tuo, libertas aurea fecit.  
Hinc etiam celebri fama visendus ad Austrum  
Carpathus occurrit; submontanæque tot oræ  
Monstrat inaccessas arces, totque oppida circum  
Bochnensesque Salis, Velicensesque fodinas,  
Mirandi gazas operis. delectat & ipse  
Occidua de fonte plagæ, qui pendulus exit

Istula

Istula Rex fluuiorum; moxque tumescens  
Labitur in sedes patrias, lambitque Vauelum;  
Totque auctus fluuiis Niepokomicensia circum  
Regia tot nemorum cunabula, totque ferarum  
Hercinios saltus, ad Balthidis ora Borussæ  
Deproperat, secumque rates tot voluit, & vndas.  
Grata quoque est facies, Cælo spectanda sereno,  
Seu quò Vislicius, seu quò Pinczouius axis,  
Finitimumque latus Boreæ, quò copia frugum  
Respicit; insigni quam Scarbimiria tractu  
Auget; & in Cereris regno dum plena reponit  
Horrea; Craciacæ magnis ex messibus, Urbis  
Grande penu ditat. nec tantis laudibus impar  
Huc etiam secunda suo Miechouia cultu,  
Frugiferas comportat opes de culmine tanto,  
Fertilium terræ, sed quantus visitur Orbis,  
Sola oculi pupilla docet. longissimus ordo  
Hic transstuleas partes, & Roxica ponè  
Nomina terrarum, dum summa monstrat ab auge;  
Ad numeros quis cuncta vocet? natura venustum  
Si quod opus, per tot latè conuexa reliquit,  
Transtulit huc visu; quod non fecisset Apellis,  
Protogenis, Zeuxisque manus. nec sola voluptas  
Hic oculos mulcet; sed frugibus vbere gleba  
Gaudet amica Ceres; circumque cacumina vernat  
Arboribus Pomona suis; diademate nexò  
Fructibus ex variis, quam copia læta coronat.  
Gratia naturæ postquam successit, ab alto  
Electus Superis locus est, sed origine mira;  
In fastos memores, retulit quam prisca vetustas.  
Rem loquor annorum serie, gestisque remotam;  
Sed celebrem famâ, calamo nixamque fideli;  
Diuinus sonipes, cui per tot secula ductum,  
Nomen ab euentu raro memorabile fecit.

C2

Belli-

Mira, & anti-  
qua Koniusze  
origo; de qua  
Ioannes Dlu-  
gosius Canon:  
Crac. Nomina  
tus Archiepi-  
scopus Leopold:  
Tom. 1. Hist.  
Polon. Tit. De



*scriptio Motiū  
Polon.*

*Prybyslaus E-  
ques Polonus,  
de stirpe Sre-  
niauiā, Heres  
Koniufzæ.*

Belligera virtute potens, Heroica virtus,  
Robora militiæ quondam, Martique dicatos,  
Sarmatica de gente viros, quæ protulit Orbi;  
Pugnaces animos inter, cordataque gentis  
Pectora, nobilibus ceris, & nomine clarum  
Fortè Prybyslaum tulerat. Sreniauius illi  
Sanguis, & antiquus splendor de stemmate tanto,  
Non minor in castris Bellonæ gloria, primum  
Parta domi; magnæque dein spiramine mentis  
Dum calet; vt decus hoc vicino Marte pararet,  
Ardua finitimi poscebat bella Gradiui,  
Inque nouas acies, inuictum pectus agebat.  
Talis Achillæam flammis ardentibus vssit  
Aurea fax mentem; cum Dardana cogitat arma,  
Iliacasque arces, & Martis in Hectore robur.  
Talis & in Rutulos, Pallantem spiritus olim  
Armifona virtute tulit, florensque iuuenta;  
Iret in aduersos soboles vt Regia casus;  
Ausonii Teucris dum tanto sanguine fascēs,  
Post cineres patrios, extremaque funera surgunt.  
Ergo magnanimā dignum virtute theatrum,  
Bella Prybyslao Maiores vicinus in armis,  
Pannonia certante dedit. ductore Gradiuo  
Huc delatus Eques, contemptis mille periclis;  
Sanguinis, & vitæ dum prodigus Hunnica latè  
Arma tot annorum sequitur; pulcherrima longæ  
Militiæ retulit decora, insignesque coronas.  
Iamque lares patrios, & amicæ limina gentis,  
Claros in bellis post tot dum cogitat ausus;  
In reditu bellator equus, quo prælia tanta  
Successere viro, sic Numine fortè volente,  
Pannonio Heroi placuit; cessitque soluto  
Fas vt erat pretio; dum Lechica regna petentem  
Lætā Prybyslaum patria est complexa, domusque

Interea

*Equum Panno-  
nio Nobili ve-  
dit. In Poloni-  
am reuertitur*

*In Pannonia  
militat.*

Interea sonipes, generosa ex indole carus,  
Acer vt in bellis; sic & fecundus equorum  
Armentis dux ipse præest; mirabile dictu  
Ausurus tandem, Cælesti non sine nutu.  
Alpes Sarmaticas inter distantia regna,  
Difficili quamuis per tot prærupta meatu,  
Humanis ægrè pateant accessibus intrò;  
Hinc tamen in patriam, vestigia longa secutus,  
Tot iam annis absentis heri, dictamine miro,  
Pannoniis contendit equus de finibus, vltra  
Carpathios montes; armentorumque cateruam  
Sarmatici traxit veniens in viscera regni,  
Emensus tantum spatii, tantumque viarum,  
Cum tot equis tacito discessu. sed duce nullo  
Ibat ab Hunniacis, ad patria limina terris  
Cautus, & inuestigari quò tenderet, vlli  
Haud facilis, per tot nemorum densissima, per tot  
Abdita montani tractus. nam noctibus ille  
Confecisse vias, vt in vmbra tutior iret,  
Creditur. ast totis rursum spelæa diebus,  
Sylvarum latebras, atque horrida quæque tenebat,  
Declinans solitum callem, renuensque videri.  
Ardua terrarum sic transit, inuia vicit,  
Istuleas tranauit aquas; tandemque Koniufzæ  
Quæsitum tantis montem conatibus, atque  
Tecta Prybyslai quondam notissima, magnis  
Passibus inuenit. circum generosa propago  
Nobilis armenti, pulli cum matribus adstant,  
Obseruantque ducem comites. tum Pegafus ille  
Ostia cara petit Domini, pulsusque requirit  
Vt pateant. sed cum geritur res nocte sub alta;  
Terruit hæud quidquam sperantes, iamque quiete  
Compositos dulci. miles cordatior ipse,  
Quid velit explorans tantus de nocte tumultus;  
Vt videt arcano prospectu, grandis equorum

D

Quod

*Equus post  
tres annos Pry-  
byslaum sequi-  
tur.*

*In Poloniam  
cum magno  
numero equo-  
rum tendit.*

*Ad Prybyslai  
rura Paterna  
venit.*

*Adium Ostia  
pulsat.*



Noscitur ex-  
hinnitu.

Cum equorum  
grandi nume-  
ro à Prybyslao  
recipitur.

Prybyslaus Dei  
beneficio id  
tribuens, o-  
mnia Deo vo-  
uer.

Quod propè se glomèret numerus, quodq; oryus instat  
Calcibus impellatque fores; hostilia censens,  
Contra vim subitam, iam Martia fertur in arma,  
Iamque animo validum circumspicit undique robur,  
At sonipes placidis accessibus omina pacis  
Læta ferens, vocem Domini cum nescit amicam;  
Noscitur hinnitu solito, securaque prodit  
Aduentus documenta sui, gratissimus hospes.  
Panditur ergo domus venienti læta vicissim,  
Armentique ingens numerus præstantis, & ipse  
Ductor equus primùm carissima tecta subintrat.  
Cernitur eximiae sobolis, matrumque tot agmen  
Ædibus infusum; subsultantesque caballi  
Nescia stare loco, nec subdita turba lupatis,  
Saltibus, & lætis hinnitibus omnia complet.  
Mens hilares inter plausus, interque stuporem,  
Tota Prybyslai variegata fluctuat; & rem  
Prodigio similem dum contemplatur, & hæret,  
Nutibus id tribuens Diuinis; omnia tandem  
Destinat ad sacros usus; donataque cælo  
Agmina, Cælitibus grato cum munere donat.  
Quis mihi nunc Balius, vel magni Xanthus Achillis,  
Hirpinusque celer, ventos superansque Pelorus,  
Regia vel fletu Pallantis busta secutus,  
Quis bellator equus, priscorum somnia Vatum  
Ingerat ad laudes? memoret Pyroenta corusco  
Quis temone mihi? vel tot mentita quadrigis  
Nomina Phæbeis? vel tot deuicta ferentem  
Regna simul, fascesq; Orbis, Macedumq; triumphos,  
Bucephalum carum pretio, virtute stpendum?  
Omne tulit punctum, veterisque encomia famæ  
Cuncta Prybyslai Sonipes mirabilis, vno  
Vicit in euentu; quo res pulcherrima, cultu

Numinis

Numinis æterni, per tot iam sæcla perennat.  
Nempè Deo gratus, pia concipit illico vota,  
Fertque Prybyslaus superis, quod cælitus ipso  
Haud dubitat venisse. sacri fastigia montis,  
Quo super obseruata fuere armenta stetisse;  
Vt rem Cælitibus caram, cum diuite censu,  
Et cum patritiis, quos tum possederat agris  
Dedicat authori rerum, pietate magistrâ,  
Ampla sat erecto statuens impendia templo.  
Inde loco nomen, quod res non obuia fecit;  
Agmine cum tanto, reducis sed nobile factum  
Insigniuit equi. quod dum clarescere, miro  
Cœpit ab euentu; celebris mons factus ab inde,  
Spectari longè, dici meruitque Koniusza.  
Vtque Vaticanæ celsissima culmina petræ,  
Inter Apostolicos cœtus, fascesque beati  
Imperii, gemino Diuorum Principe gaudent;  
Hic sibi sic inter Lechi montana supremus  
Clauiger in cælis, & Doctor maximus Orbis,  
Elegisse thronum voluit. de sedibus altis  
Petrus apex fidei, post Christum summa potestas  
Latè prospectans; vt clerum vindice zelo  
Protegat hinc, rebusque sacris vicinior adsit,  
Hic velut in Cathedra Summus præsitque Sacerdos.  
Censuit hoc virtus, & prodiga sumptibus amplis  
Dextra Prybyslai; per quam surrexit in æuum  
Mansuræ pietatis opus. cui maximus ille  
Christiadum vertex, Romana Sede coruscans,  
Fauit ab Ecclesiæ folio; dum principe magni  
Sub titulo Petri, quo mōs hic Præsides fulget,  
Deuotas mentes sociali foedere iungens,  
Huc sacras effudit opes. nec gratia Regum  
Defuit huic operi. nam quod concesserat in res  
Donatas ex asse Deo, diploma secutum

D2

Princi-

Ecclesiam Ko-  
niusensem sub  
titulo SS. Pe-  
tri & Pauli  
Apost. constru-  
it, & dotat.

Confraterni-  
tas SS. Petri,  
& Pauli in  
Ecclesia Ko-  
niusensi, ere-  
cta per Paulū  
V. Pont. Max.



A Serenissimis  
Polonia Regi-  
bus magna pri-  
uilegia recipit

Voces sex In-  
ris patronat<sup>ur</sup>  
ad Parochiam  
Koniusensem  
a Stanislao  
Barzy in Wi-  
slic, & alijs No-  
bilibus Polo-  
nis, Inclyto  
Collegio Iuri-  
dico Cracoui  
donate.  
Bernardus Va-  
pouius Cantor  
Crac. Secreta-  
rius Regni Ma-  
ior, Parochus  
Koniusensis.  
Barthol. Ga-  
tkowski Arch.  
Crac.  
Petrus Gor-  
czynski V.D. &  
Profes. Cano.  
& Offic. Crac.  
institutus ad  
presentatio-  
nem Collegij  
Iurid. A. 1597

Principis in Regno trabeæ, decreuerat illud  
Libertate frui, patris soluique tributis.  
Mons sacer exemptus, patrimonia libera Christi  
Vt veteri pietate tulit. sic tota deinceps  
Hoc Regum series voluit; quam Piasseus, et quam  
Stirpe coronata sanguis Iagelonius, Orbi  
Sarmatico dederat. Casimiri nomina magni  
Hic expressa legas. posuit signacula Regum  
Hic Sismunde tui manus augustissima sceptri,  
Totque Monarcharum pietas; vt iure triumphet  
Carus apex Superis, & Regum munere dignus,  
Creditus ad curam, Pastoralemque laborem  
Tot summâ virtute Viris. nam publica Regni  
Munera, Regalisque throni quibus intima lapè  
Officia, ex animi merito commissa fuere;  
Visi sunt toties, curâ Pastoris in isto  
Eminuisse loco. donec sapientia Craci,  
Hic quoque Doctorum clarissima nomina secum  
Intulit; ex dono Barzorum, sanguinis alti  
Sreniauxque Virum; per quos domus inclyta magni  
Consilii, Iurisque sacrum conclaue Poloni,  
Insignes animas, ad Pastorale gerendum,  
Deligit hic munus, feliciter ordine ducto.  
Sic post Vapouium, de sanguine stirpis auitæ,  
Historico calamo decorat quem gloria parta;  
Et post Garkouiæ virtutis gesta, lacrique  
Officii decora; inter tot lectissima Iuris  
Nomina Gorczynius fulsit. Naymanque Secutus  
Craciacæ Themidis Doctorum primus in auge;  
Inque Koniuszensi Pastorum munere primus;  
Cracia quem Iuris dederat doctissima Pallas;  
Iudicio, & calamo summum, factisque stupendum;  
Pectoris inuicti Iagelonæ Matris Atlantem,

Fascibus

Fascibus, & Studii toties moderamine functum.  
Qui sapiens, ingensque animo; res cardine motas,  
Rursus in immoto statuit fundamine legum,  
Pro Musis Patriis cordatus, & vnus Achilles,  
Et pro Centimanis vnus. quem Gorscius illâ  
Exceptit serie, rerum zeloque sacrarum;  
Quo post enituit, per tot subsellia Iuris  
Assertor, vindexque boni spectantis ad Aras,  
Lege perantiqua decimi censumque manipuli.  
Rozyci breuior, quanquam cultissimus ille  
Flos animi, roseusque vigor, spectataque virtus,  
Floruit insigni merito. sedata Karynsi  
Successit grauitas, rerum prudentia viuax,  
Digna togatorum Sceptris. candoris eburni  
Innocuas dotes, mox Osedouius, o quam  
Mansuetâ dulcique anima, vitæque probatæ  
Expressit speculo! sic quod pietatis auitæ  
Zelus, amorque pios concedere, iussit in vsus,  
Feruenti Superum cultu, tot secula vicit,  
Illustres meruitque Viros. pulcherrima quorum  
Nomina, virtutesque animi, fastosque perennes  
Gestorum, probitate tua, fidoque labore,  
Exemplo vitæ, sapienti pectore, curis  
Pro re Diuina sancte zelantibus, & tot  
Dotibus eximius, o flos Hyacinthe coronas!  
Tu mihi Parnassum super hæc fastigia dulcem,  
Tu Musis Heliconæ meis, sacrosque parasti  
Aonidum fontes. nec enim pernicibus alis,  
Fabula mendacis Soleæ cantata per Orbem,  
Neptuni sanguis, diræ sobolesque Medusæ,  
Bellerophontæus, rupem qui soluit in vndas,  
Pegasus ille fuit, iuga cû cessere Koniuszæ;  
Non Euro volucris, Libycis non ille sagittis,  
Ocyor hæc venit; monstrosæ colla Chimæræ  
Calcibus vt tereret. sed prisco sanctior æuo,

E

In pa.

Iacobus Nay-  
man Iuris Vg.  
D. & Profess.  
Canon: Crac.  
Institutus An-  
no D. 1616.  
Iacobus Gor-  
scius I. Vg. D.  
& Professor,  
Canon: Crac.  
institutus An-  
no D. 1641.

Stanislaus Ro-  
zycki I. Vg. D.  
& Professor,  
Canon: Crac.  
institutus An-  
no D. 1652.  
Laurentius Ka-  
ryncki I. Vg.  
D. & Profess.  
Canon: Crac.  
institutus An-  
no D. 1652.  
Stanislaus O-  
sedowski I. Vg.  
D. & Profes.  
Canon: Crac.  
institutus An-  
no D. 1653.

Hyacinthus  
Thomasewic  
I. Vg. D. &  
Professor ad  
presentationē  
Collegij insti-  
tutus Anno  
D. 1669.



In patrias veniens per tot discrimina terras,  
 Diuinus planè sonipes, monstrauit ab alto  
 Rebus amica sacris loca; quorum vertice summo  
 Ipsa salutare cælestis gratia lymphas,  
 Purius eliciens, Hyppocrenemque cauasse  
 Visa nouam; sensus, & flamina mystica Vatum,  
 Condidit hic sub Claue Petri. felicior inde  
 Musarum Domus hæc; quo sanctius omnia vicit,  
 Hellade cum tota, licuit quæ more Pelasgo,  
 Priscorum grauidis insomnia gignere curis.  
 Phœbi nempè lares, & dulcia nomina Cyrrhæ,  
 Hic mihi respondent melius; seû ruris amœni  
 Otia suspiro, quoties vrbana fatigant  
 Tædia curarum; seû declinantibus atram,  
 Pestiferæ Lachesis, tot per contagia sortem,  
 Quæritur alma salus quoties, & vita Camœnis;  
 Cynthius hic, caræque mihi Libetrides adiunt;  
 Tuque anima escunctis. cûi pro spiramine docto,  
 Proque focis, arisque tuis, pro vertice Pindi,  
 Sæpèque consumptis in eo tot dulcibus horis,  
 Iusta coronauit dilectum gratia montem.  
 Floreat ergo sacro vernans Helicone Koniusz,za,  
 Montibus Aonijs potior; cûi maximus ex Te,  
 Et decor, & flos est, Charitum, Phœbiq; voluptas  
 O Hyacinthe mei! tu quod virtutibus æquas,  
 Culmen habe laudis. sit spectatissimus iste,  
 Qui Te monstret apex, qui pro Te summa loquatur;  
 Inque oculi visum quoties incurrit amantis,  
 Hoc sublime Tuum; toties ex viscere cordis,  
 In memores animos, in pectora cara tuorum,  
 Mentio grata tui veniat. Tu viue, perenna,  
 Longæuus carusque Tuis. nec desinat vnquam,  
 Hic mihi transactæ tecum bona portio vitæ,  
 Mansuras implere cedros, & viuere Cælo!

GLO.

**G L O R I A**  
 Sacrorum Montium,  
 in gratiam  
 Sacri Parnassi Koniuszensis,  
 panegyricæ coronidis ergò  
**A D I V N C T A.**  
**M O N T E S S A N C T I,**  
 Redemptionis nostræ figuris, & Mysterijs,  
 in veteri, & noua Lege,  
**I N S I G N I T I.**  
 Fundamenta eius in montibus Sanctis Psalm: 86.  
**M O N S V I S I O N I S.**

*Appellauitq; nomen loci illius, Dominus videt.*

Genes: Cap: 22.

**D** Vcitur in montem soboles dilecta Parentum,  
 Sanguinis vnica spes, vna columna domûs;  
 Armatus mucrone parens, est ipse Sacerdos,  
 Filius est mortis baiulus, ipse suæ.  
 Non cadet hic Isaac, quamuis sint omnia præstò;  
 Hæc in monte Dei visio, digna Deo.  
 Et Patris, & Nati promptissima nempè voluntas,  
 Non erit hæc carnis victima, cordis erit.

De eodem

In montem Domini cum lignis hostia venit;  
 Cæditur extensâ non tamen illa manu,  
 Angelus ex alto vibratum continet ensẽ;  
 Innocui capitis, stat sine labe salus.

E 2

Menti-



Mentibus Angelicis, quæ tanti cura laboris?  
Pro Patre, pro puero, zelus hic vnde fuit?  
Promptus in obsequium diuinæ vocis vterque,  
Angelus esse illis, non homo visus erat.

## MONS SINAI.

*In die tertia descendet Dominus coram omni  
plebe, super montem Sinai. Exod: Cap: 19.*

**N**Vminis hic solium, circū quod fulgura mille;  
Cernitur immensæ quo Deitatis apex.  
Maestas sub nube latet, mons totus in igne,  
Cornutumque micat Mosis ab ore iubar.  
Hic geminis tabulis, digito lex scripta tremendo;  
Auditum populis hic idioma Dei.

Diligat æternæ quis non mandata salutis?  
Ad nos descendit, cum quibus ipse Deus.

## MONS ABARIM.

*Ascende in montem istum Abarim, idest transitu-  
um Deuteronom: Cap: 32.*

**D**Vx populi Moses, promissæ dulcia terræ  
Limina ne tangat, vox iubet alta Dei.  
Sufficit è montis spectasse cacumine summo,  
Heu non concessi, nobile clima soli!  
Non fruitur terra felici; sed tamen illi  
Felix in manibus mors, tumulusque Dei.  
Nempe oculos, quibus ille Deum vidisse meretur,  
Sola Dei fuerat claudere digna manus.

## MONS HOREB.

*Et ambulavit Elias in fortitudine cibi illius, qua-  
draginta diebus, & quadraginta noctibus, usque  
ad montem Dei Horeb. Reg: 3. Cap: 19.*

**I**Mpia Tisiphone furias Iezabel in omnes  
Soluitur, Helix dum sitit illa necem;  
Tigridis

Tigridis immani Vates declinat ab ira,  
In montemque Dei grande fatigat iter.  
Scilicet Angelico quamvis sit panis relictus,  
Fortis in hoc quamvis ambulet ille cibo;  
Dum sævit mulier, fugit in deserta Prophetes;  
Vincendi ratio est, a muliere fuga.

## MONS CARMELVS.

*Elias autem ascendit in verticem Carmeli.*

*Reg: 3. Cap: 18.*

**C**Armeli sublime decus, dilecta Prophetis  
Mansio, flammigeri Vatis amica domus.  
Primus Eremiticis, mons hic electus in Orbe,  
Cælestis vitæ, normaque prima fuit.  
Corruit hic altare Baal, cæsi que ministri;  
Arsit inundatis victima sacra focus.  
Hic pedis humani Virgo sub nube Maria,  
Iam Soror, ad Fratres ibat amica suos.

## MONS SION.

*Qui confidunt in Domino, sicut mons Sion.*

*Psalms: 124.*

**A**Rx Solymæ, regniq; caput mons Sion, in ipso  
Iessæi populi corde, thronoque situs,  
David Regis amor, celebratum carmine sacro  
Diuinum in terris nobile delitium.  
Mysticus hic, & Sanctus apex: nec dulcius vllum  
Quæ manet electos, patria nomen habet;  
Si iusti sunt grana Dei, si Sion acervus?  
Verè iustorum patria, Sion erit.

## MONS THABOR.

*Et hanc vocem nos audimus de Cælo allatam,  
cum essemus cum ipso in monte Sancto.*

*Petr: Epist: 2. Cap: 1.*

F

Parti-



**P**articulam Cæli Diuinæ lucis ab alto,  
 Gustibus hic modicis, paruula rima dedit.  
 Dum facies augusta nitet, dum cander amictus;  
 Vox e nube sonat, Filius iste Dei est.  
 Obstupere Viri, quibus hæc concessa voluptas.  
 Ast o quam paucis, visio tanta pater!  
 Nominis arcano, mons est electio Thabor;  
 Electos numerus, quantulus iste manet.

### MONS OLIVETI.

*Et egressus ibat, secundum consuetudinem, in mon-  
 tem Olivarum Luc: Cap: 22.*

**H**ic oleam pacis, Christus Mediator in horto  
 Dum quærit; totus Sanguinis imbre madet.  
 Parta salus homini, constat sudore cruento;  
 Hoc opus est, sub quo sudat & ipse Deus.  
 Morte triumphata, dum rursus victor Auerni,  
 Iam post diluuium sanguinis, alta petit;  
 Hoc è monte, ferens ramum frondentis Oliuæ,  
 In cælum Iesus, nostra Columba volat.

### MONS GOLGOTHA.

*Exiit in eum, qui dicitur Calvaria locum, He-  
 braice autem GOLGOTHA Ioan: Cap: 19.*

**N**on aliud toto culmen diuinius Orbe,  
 Morte Redemptoris parta, trophæa gerit.  
 Hic author vitæ moritur, sed vita triumphat;  
 Hic meus, à ligno regnat I E S V S amor.  
 Crux Thronus est, cruor illi purpura, laurea sceptrū,  
 Sunt clauī gemmæ, spina corona Deo.  
 Omnia Golgothæ fastigia cedite monti;  
 Hic solus, cælum vertice tangit apex.

S A-

# SACRI MONTES

## P O L O N I Æ,

miraculorū gloriâ, & præcipuis religioso cultu locis

## C E L E B R E S.

### MONS S. CRVCIS,

*Preiosa Crucis Christi particula, & antiquissimo  
 PP. Benedictinorum Cænobio insignis.*

**P**annonio Regum clarus de sanguine Princeps,  
 Hospes dum gratus, Lechica regna subit;  
 Hic vbi deserti moles vastissima montis  
 Tollitur, & Calui verticis axe riget,  
 Eligit inspirante Deo fastigia Sancta;  
 In quibus assurgant templa dicata Deo.  
 Si lignum vitæ Crux est; mons horridus omnes  
 In Cruce delitias, ceu Paradysus habet.

### MONS CLARVS CZESTOCHOVIENSIS,

*Deipara Virginis miraculosâ Imagine, à S.  
 Luca depicta*

### C E L E B E R R I M U S.

**V**irginis æternæ Sacros in Imagine vultus,  
 Quos magno pinxit, maior Apelle manus,  
 Mons habet electus Genitrici Numinis; in quo  
 Cum vultu nobis, cor quoque dulce dedit.  
 Hoc in monte Thronum, Sceptri Regina Poloni,  
 Ut dici voluit, Virgo Maria tenet.  
 Qui tot dona Dei, qui tot miracula seruet,  
 Sarmatico non est clarior Orbe locus.

F 2

MONS.



## MONS VAVEL.

*Sacro Divi Stanislai Episc: & Martyris Sepulchro, Regum Sede, Regnique deposito, & Cathedra Episc: Crac:*

## CORONATUS.

**E** Minet Istuleum vertex propè maximus amnè,  
Fertque coronatum Lechidos arce caput:  
Rupibus hic solidis, stetit ingens Regia Craci;  
Quæ Regum trabeas, & diadema gerit.  
Par maiestatis non est, Europa quod illi  
Collocet in summo, quodque coronet opus.  
Omnia sed tanti superans encomia montis,  
Sola STANISLAI Martyris vrna capit.

## MONS RUPELLÆ

*D. STANISLAI Episc: & Martyris, Sanguine, & celebris loco Martyrii Insignita.*

**R** itibus antiquis, vbi victima dæmonis olim  
Sapè cadens, Aram fecerat esse Stygis;  
Hic altare Deo, felicior hostia fecit;  
Hostia sacrilegi Principis icta manu.  
Præsulis innocuo manat Rupella cruore;  
Pastoremque suum, perdita maculat Ovis.  
Cæde STANISLAI gemuit Rupella; sed eheu!  
Cor Regis, Rupes impia, non gemuit.

## MONS TYNECENSIS,

*Sacra PP. Benedictinorum, in Regio Cænobio*

## EREMUS.

**R**ixa throni consors, patriæ discordis origo,  
Regalis tulerat pignora cara Domûs;  
Sed redit augusti CASIMIRVS sanguinis, vna  
Spes, & auita Patris Sceptra rogatus habet.  
Cluniaco veniens ad Regni munera Princeps,  
Non poterat caros, non adamasse lares.

Dote

Dote sat augustâ, Tyneci sacra iuga loquuntur;  
Ediderit Regem, quam mala Rixa bonum.

## MONS CALVARIÆ.

*Ad recolendam Dominica Passionis memoriam, magnæ confluentium populorum deuotioni, Illustrissima Domus Zebrzydouiana, piis, & liberalissimis sumptibus*

## ERECTUS.

**M** Vcro ferox Asiæ, Regnorû sæua charybdis,  
Helluo Thrax, Christi dū sacra busta rapit;  
Orbis Christiadūm gemuit; Diuina Sepulchri  
Impius heu teneat, quod monumenta Getes.  
Barbare non tumeas; en Zebrzydouia de te  
Monte sacro pietas, rapta trophæa locat.  
Sacra Crucis Christi vestigia cernimus; an non  
Stat noua Lechiacis Hierosolyma iugis?

## MONS ARGENTEVS.

*Sacra PP. Camaldulensium*

## EREMUS.

**I** N terris vitam cælestem viuere doctos,  
Volscius Hesperio duxit ab Orbe Viros.  
Felices animas, species pulcherrima montis,  
Mentibus Angelicis, parque cacumen habet.  
Sic habitant, quibus vna Deo seruire voluptas;  
Illis corda velut, sic quoque templa nitent.  
Nomine qui fuerat mons hic Argenteus; o quam  
Nunc verè gignit, digna metalla Deo!

## MONS VISNICENSIS.

*Triumphali Illustrissimi Sanguinis Lubomirsciani Basilicâ, ob Chocimensem ex Osmano victoriam, & insigni PP. de monte Carmelo Discalciatorum Cænobio.*

## CLARUS.

Fulmen



**F**lumen Threicium, magnis terroribus in nos,  
Dum parat immanes, ex Oriente minas;  
Contra Bistonias acies Lubomirscius Heros,  
Templa Deo, ut redeat victor ab hoste vol  
Vincitur Osmanus. moles pulcherrima surgit  
Quæ dedit ipse, refert parva trophæa Deus.  
Visnicensis apex gemmis testatur, & auro;  
In Cælum quanto fonte Sreniaua fluat.

### MONS CZERNENSIS.

*Sacra PP. de Monte Carmelo Discalciatorum*

E R E M U S.

**M**Armora, Sarmaticis ubi tellus clara fodinis,  
In patrias cæso viscere, fundit opes;  
Hic sibi delegit, Sacram Carmelus Eremum;  
In Cælum puris mentibus unde volat.  
O quam Seraphicæ viuax in prole Teresæ,  
Hic quamvis inter marmora, teruet amor!  
Helix potuit succendere spiritus undas;  
Cur non Seraphico, marmor ab igne calet?

### MONS ALVERNI.

*Sacra PP. Minorum de Observantia, Illustriss.*

*Comitum de Polca Koricinorum liberali-  
tate fundata*

E R E M U S.

**M**Ente prout fuerat propior Frāciscus Olympo;  
Sic propiora polo, culmina montis amat.  
In cruce pendentem, dum contemplatur amorē;  
Hic arcanus ei, vulnera fixit amor.  
Cederet Ausoniis ne tota hæc gloria terris,  
Aluerni sacrum Lechia culmen habet.  
Flammeus impressit Francisco vulnera Seraph;  
Imprimit hic, puris mentibus illa D E V S.



*Jan. 24*



